

## CAPUT IV.

DE  
TERRIS MEDICIS ET ME-  
CHANICIS.

## §. I.

**Q**UAMVIS Cap. I. §. 3. de terra ejus-  
que varietate dixerim, oportu-  
num tamen fore existimo, terra-  
rum Mechanicarum & Medicarum in spe-  
cie meminisse. Cum vero harum non  
adeo magnus numerus, & varietates diver-  
sæ, in agro nostro reperiantur, ex Thuringia,  
in qua ager noster est, paucas terras  
huc retulisse placebit: & quidem illas, quæ  
Veteribus cognitæ fuere, v. gr. *Agricolæ*,  
*Kentmanno*, *Albino* & *Encelio*. Quod qui-  
dem eam ob causam, non solum in hoc ca-  
pite, sed etiam in sequentibus, facere consti-  
tuit, quia hunc tractatum *Historiæ Natu-  
ralis Thuringiæ*, imprimis tamen *Rei Me-  
talliæ Salfeldensis*, (& forte *Schwartz-  
burgensis*,) *Historiæ Prodromum* esse volui.

§. 2. ARGILLA inter terras Mecha-  
nicas, primum locum sibi vindicat, cujus  
aptissima definitio apud Excellentissimum  
JO.